


Akoranga 6: Waihanga karakia/pao

Ngā tohutohu:

- He mahi takitahi, takirua, ā-rōpū
- Tirohia ngā kupu o ngā karakia/pao.
- Wewetehia, wānangahia te ngako o ngā karakia me te pao.
- Ōhia manomanotia, ka waihanga i tāu ake karakia/pao mō tētahi kaupapa motuhake.



Te Pao a Kupe	He Karakia - Keri
Taku ara rā, taku ara rā, Te ara whakaterere moana pohepohe, Te ara wae whakatōmene whenua, Te ara whakaheke i a koe e toro e. Mata rere ki uta, Mata rere ki tai, Te tai whakanukunuku, Te tai whakanekeneke ki Te Ihu e. Raukawakawa ki runga, Raukawakawa ki raro, Hunaia kei mate i te riri o Te Wheke e. Ararā ko Kaikaiāwaro māreparepa au hāro, Ararā ko Te Kawau taromi au kororipo, Ararā ko Rupe ārohi whenua houkura e. Whakakau Ruamano, Whakakau Kaikaiāwaro, Taku ara ki ngā maunga pakohe e.	Waerea waerea te rangi e hora ake nei Waerea waerea te pari uku e takoto ake nei Waerea te takapau kōrero nei Keria te onetapu he wai tuku para he hau nuku wai he wai horahia Horahia te wai! Wai nā Parawhenuamea Waipuke nā Pukupuku Orooro te toki pakohe i a Hinetuahoanga Hō iere tī Hō iere tā Kurua te ara ara mai te toki haumi e hui e Tāiki e!

He Karakia - Taunaha Whenua	He Karakia - Te Herenga o te Waka	He Karakia - Tīmata
Ka hoa rā e Tāne ka hoa rā e Tangaroa Tane tukitukia Tane wāwāhia Ka puta kei waho kei te kapua te putanga o Ngāti Kuia e! Whakamaua kia tina hui e tāiki e!	Here tauheke te waka i te ara poka hou noa ka tau he nuku ka tau he rangi ka mārōrō i te hau nā Tū herea te ūnga waka herea te muka tangata herea ngā iwi ki te whenua herea te waka tangata herea ki uta kia tau tau mai te mauri tū ka tihē i ... Mauri ora!	Te whakaarahanga i te ana a Kaikaiāwaro Tuku atu kia tere te moana Tō waka e Toro nō Hawaiki mai rā anō Toka te manawa o Kupe Kia tina te toka i Hawaiki Maranga mai rā - Kaikaiāwaro!